

Напалкова Анастасия Игоревна

Кристина да Вөрса.

Оліс-выліс Кристина нима нывка. Өти лунө сійө муніс вөрө тшак вотны. Мунө сійө мунө, и друг сылы воча петіс том зон. Сійө вөлі зэв аслыс пөлөс зон, татшөм зонсө Кристина некор на эз аддзыв. Найө төдмасисны и кутісны сёрнитны вөр – ва йылысь. Вова, кызди асьсө шуис том зон, друг шуис: «А лок видзөдлам вөр-ваыслысь став мичлун вылас». Вова босьтіс Кристинаөс киөдыс, и найө лэбзисны. Воисны ю бокин сулалысь мича кызд пу дорөдз. А кызд пу вылас вөлі еджыд ракалөн позйыс. Зонка кутіс сёрнитны накөд. А Кристина юалис сылысь: «А кодкөд тэ сёрнитан?» Вова вочавидзис: « Ме сёрнита кызд пукөд да ракакөд». Кристина чуймис да юалис: «А позьө и меным накөд сёрнитыштны?» Том зон шеныштіс кияснас, и Кристина кутіс гөгөрвоны, мый йылысь шөпкөдчөны пуяс, мый йылысь дзользёны лэбачьяс, и мый йылысь мөвпалөны вөрса олысьяс. Сэсся Кристина юалис кызд пулысь, мый йылысь сійө мөвпалө. А кызд пу шуис: «Ме көсья, медым миянлысь увьяснымөс некод эз чегьяв. Миянлы өд зэв ёна доймө, а чегьялысьясыс тайөс оз көсйыны гөгөрвоны». Кристина да Вова аттьөалисны кызд пуөс да ракаөс найөс бура примитөмысь да мөдөдчисны водзө. Вөр-ванас нимкодясигмоз найө воисны вөрса ёль дорөдз да юисны сэтысь чөскыд, көдзыд васө. Друг Кристина кыліс, кызди сы дорө шыасис кельчипи. Кельчипи шуис: « Видзөдлы ме вылө, ме өд зэв мича!» Кристина видзөдліс и аддзис, мый кельчипи бөрся кывтө ыджыд сир. Кристина горөдіс кельчипилы, медым өдйөджык кывтас, но сійө эз кывлы горөдөмсө. Сэк Вова пунктіс сир ныр дорө беддысь мытшөд. Сир эз вермы суөдны кельчипиөс.

Друг Кристиналы уси төд вылас, мый сійө эз на чукөрт тшаксө. А Вова быттьө кывлөма Кристиналысь мөвпьяссө, и нуөдіс нывкаөс сэтшөм местаө, көні быдмис уна пөлөс тшак. Кристина зэв өдйө чукөртіс көрзина тыр мича тшаксө. Өти мича коз улө найө пуксисны шойччыны да ёна и нимкодясисны вөрнас, звер-пөтканас... Кристиналы зэв ёна кажитчис гуляйтны Вовакөд. Кор кутіс пемдыны, вөлисти Кристина мөдөдчис гортас. Вова сылы шуис, мый гортөдзыс воөдчыны сылы отсаласны пуяс да звер-пөтка. И збылысь, муртса Кристина вөрзёдчис гортланьыс, ставныс уськөдчисны колльөдны сійөс. И Кристина зэа өдйө воис сиктас.

Мөд луннас Кристина бара локтіс вөрө. Сёрнитыштіс пуяскөд, звер-пөткакөд Кристина юалис налысь: «Көні Вова?» А пуяс вочавидзисны, мый

Вова – тайо ачыс Вөрсаыс. И мый сійо öнi видзö вөр-васö, медым некод сійöс эз нятчöд да эз дойдав.

И та бöрся Кристина заводитiс видзны вөр-васö, и зэв тшöкыда кутiс ветлöдлыны вөрö. Век надейтчис ещö öтчыд аддзысьлыны Вöрсакöд.